

علو همة الصالحين وعلو همة الفاسدين في الشتاء .. #محاضرة ..

د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك ملكه كله وببيدك الخير كله واليك يرجع الامر كله. لبيك يا ربنا وسعديك. والخير كل الخير في يدك والشر ليس اليك. انا بك واليك - 00:00:00
تباركت وتعاليت استغفرك واتوب اليك. اللهم صل على النبي محمد وعلى ازواجه امهات المؤمنين. وعلى ذريتي وال بيتي انك حميد مجيد اما بعد فانا نفسي دلوقتي اجيب ايه يعني وسام شرف كده واديه لكل راجل من الرجاله اللي جم درس الليلة بفضل الله سبحانه وتعالى. وبرضو - 00:00:30

على كل اخت وفي اخوات جم ولا لما عرفش بس يعني ايه انا متوقع ان يعني ممكن هيبقى برضو في ايه يعني بعض الفدائيات جم في هذا الجو القارس وفي هذا الصقيع وفي - 00:00:50
فوجة البرد الشديدة دي. سبحان الله العظيم يا اخواني في الله. يعني الواحد آآ يعني آآ يعني طبعاً بعد يعني كلمة جزاكم الله كل خير على ان انا تخيلت ان اللي هيجي النهاردة ده اللي نفسه يوصل لربنا اوي. والله حسيب الجميع. ولا نzuki على الله احدا. اللي هيجي النهاردة ده اللي نفسه يقرب من ربنا - 00:01:00

فسبحان الله ربنا يرزقنا الاخلاص والصدق يا رب اللهم امين. ويحسن نوايانا واعمالنا انه ولي ذلك والقادر عليه. اما بعد اخواني في الله ونحن في هذا الصقيع في فصل الشتاء يظهر صفة من الصفات الخطيرة جدا وهي صفة علو الهمة. علو الهمة في فصل الشتاء. علو الهمة - 00:01:20

اللي يخليك فعلاً تفتح بـقك كده. عارف ايه ده يا جماعة! ايه اللي بيحصل ده! هو فيه ناس عندها الهمم ده! بس قبل ما نتكلم عن علو همة الصلاة في الشتاء هنتكلم عن علو همة الطرف الاخر. علو همة الكاسيات العاريات المتبرجة اللي تلاقيها لابسة لبس خفيف عشان تفضل - 00:01:40

ويفضل يعني تفتن الناس تلاقيها كاسية عارية في فصل الشتاء وماشية. سبحان الله! والاخ الراجل اللي لحيته تملأ صدره مش قادر ينزل يصلي في المسجد اللي جنب بيته. الا طبعاً ما كان من رخصة رسول الله صلى الله عليه وسلم. امبارح اخ بيتصل بي فيقول لي اظن انت - 00:02:00

البطانية دلوقتي فانا استغربت من الكلام. بطانية ايه يا ابني! بطانية ايه يا ابني! انت يا ابني احنا عايزين ننجو من النار. هو اللي عايز ينجو من النار هو لما الشتا يوقفك والحر يوقفك والمشاكل توقفك والظروف توقفك فهتوصل لربنا امتي الذي يصل الي - 00:02:20
هو اللي دينه فوق الزروف فوق المشاكل. فوق العوارض هو ده اللي بيحصل لربنا سبحانه وتعالى. اللي مش كل عارض يوقفه يقوم واقف في علاقته بربنا سبحانه وتعالى علو همة الشباب اللي بيتفرجوا على الكورة. لو فيه النهاردة يا جماعة ماتش الكلاسيكو النهائي بقى ما بين فريق البارسا وفريق لو ماتش - 00:02:40

كلاسيكو النهائي نهائي الدوري الانجليزي نهائي الدوري الاسباني لو النهاردة في استاد القاهرة الشباب هيحضروا ولا لا؟ الشباب هيقفلوا على المكان ولا لا يا عم لو الاهلي والزمالك خليك كلاسيكو المصري. لو الاهلي والزمالك الشباب هيحضروا ولا لا؟ علو الهمة يا جماعة. علو الهمة ان ان - 00:03:00

اللي عايز يلعب كورة او يتفرج على كورة همته ما وقفتش. اللي عايزة تعصي ربنا همته ما وقفتش. لو نزلت على الكورنيش الوقتي هنلاقي حبيب يا جماعة الكورنيش في الجو ده في الجو ده! ايه المشكلة! التهاب القلوب ودفء المشاعر رغم الشتاء القارس -

00:03:20

بسبب العواطف الدنيوية الفانية. طب ما تيجي احنا بقى نعيش دفء القلوب رغم الشتاء بسبب العواطف العلوية. اخر موضوع ممكن حد منكو يتوقع ان احنا نتكلم عن علو الهمة فيه او علو الهمة في التذكر بتاعه ايه تخيلو في الشتا ده اخر حاجة ممكن نتكلم عنها ايه

00:03:40 - النار

ومع هذا اول موضوع هنتكلم عنه الليلة هو النار. واكثر حاجة يفكرك بها ويذكرك بها هذا الشتاء القارس. هو النار اخوانا في الله لما طلع بتوع الارصاد من كزا يوم وقالوا الحقوا يا شعب مصر في موجة صقيع قارسة جاية الناس جابت بطاطين واشترت بطاطين

00:04:00 - والناس تعاملت

هو امر واقع. طب لما النبي عليه الصلاة والسلام قال لنا ان جهنم فيها زمهير. ان جهنم فيها شتاء قارس. جهنم من الصيف بس يا جماعة. جهنم صيف وشتا جهنم مش حر بس يا جماعة. جهنم حر وجليد. جهنم الطرفين عذاب فيها. وعذاب الجليد اشد من عذاب

00:04:20 - الحر فيها. والعياذ بالله

دلوقتي تلاقي على الجراحين يكتب لك علاج كي بالتبريد. يعني ايه كي بالتبريد؟ هو الكي ده مش بالنار؟ اكتشفوا ان الجليد بيكوي زيه زي النار. لما درجة الحرارة بتناقص جدا. عشان كده لما لو طلوعوا الوقتي في برنامج -

00:04:40

الحقوا يا شعب مصر فيه زلزال بعد ايام. الطيارات مش هيكرز فيها الناس عشان يهربوا. مصدقين. طب لما ربنا قال في سورة الزلزلة ان في زلزال يوم القيامة اللي اشد من اي زلزال ما صدقنيش ليه ؟ بل الدارك علمهم في الاخرة. بل هم في شك منها، بل هم منها

00:05:00 - عموم. بل

هم من هامون. قال لك يعني ايه من هامون؟ قال لك يعني كل حاجة يشوفها ستة على ستة. الا فيما يتعلق بامر الاخرة. زلازل الدنيا يتربع منها. انما الاخرة ولا يفكر فيك. زمهير الدنيا يشتري له كزا بلوفر. طب انت وانت بتاخذ عدتك ليه؟ زمهير الدنيا. انت خدت

00:05:20 - عدتك

قريب جهنم خدت عدتك لشتاء جهنم القارس خدت عدتك لطبقة الزمهير من طبقات الجحيم والعياذ بالله فينا استعداد يا جماعة؟ ولا بلوم منها عامون؟ علو الهمة في تذكر النار؟ اسمعوا معي الحديث الخطير ده بقى عشان نفهم القصة جاية منين والكلام اللي احنا

00:05:40 - بنقله

منين؟ حديث ابي هريرة رضي الله عنه اشتكت النار الى ربها. اشتكت النار كلمة مرعبة. النار بتقدم شكوى الى الله الله سبحانه وتعالى النار بتشتكي من ايه؟ قال لك النار بتشتكي من كثر الغليان اللي جواها. غليان الوقتي ده النار لسه ما سعرتش. ده التسعير ده -

00:06:00

يوم القيامة النار دلوقتي بتسجر بس. تسجر يعني ايه؟ تظل موقد عليها. انما التسعير بيبدأ مع بداية يوم القيامة لحد ما يوم القيامة يخلص فيها العصاة والكافرون والفجار وهي مصاهرة والعياذ بالله. اشتكت النار الى ربها. فقالت يا رب اكل بعض -

00:06:20

بعضا اكل بعضي بعضا. كلمة رهيبة. لما اقول لك مسلا العواميد بتاكل بعضها بتاعة المسجد. سجاد المسجد بياكل بعضه الناس اللي في المسجد بياكلوا بعضهم. يعني ايه الكلام ده يا جماعة؟ الكلام ده. قال لك ان بعضي بعضا ان جهنم دي اجزاء بعض جهنم دي اجزاء.

00:06:40 - كل جزء من

شدة الغليان بتاعه وشدة اللفة بتاعته على الاتهام للعصاة. فما هوش لاقى حاجة يلتهمها غير اجزاء النار الثانية فلما جزء بتزيد

حرارته عن جزء يقوم ملتئم الجزء الثاني. اكل بعضي بعضا. انت عارف مجموعة من الوحوش حطتهم في مكان واحد -

00:07:00

اكل لمدة طويلة ففي النهاية يحصل ايه؟ الوحوش الاقوى تبدأ تاكل الوحوش الاضعف. منزر مرعب ان وحش بياكل وحش. ان وحش بيفترس وحش اكل بعضي بعضا. يا رب من كثر الغليان اللي جوايا من كثر الحر الرهيب اللي جوايا. الاجزاء -

00:07:20

كل بعضها وبتسهر بعضها. النار بتصهر بعض والنار بتاكل بعض. اكل بعضي بعضا. اشتكت النار الى ربها. فقال يا رب اكل بعضي بعضا. مش في ناس ما جتش النهاردة عشان الدنيا برد وعشان تتدفي في البيوت. احنا عايزين الكلام عن النار يدفي قلوبنا بقى -

00:07:40

النهاردة يا جماعة احنا عايزين الكلام عن النار يخلينا بعد شوية نخلع الجواكت ونشيل البروفرات ونبدأ نحس ان الدنيا صهد والدنيا سخنت ونبدأ نحس ان الحرارة اللي جوة قلوبنا هو ده المؤمن. الحرارة اللي جوة قلبه زي ما هنتكلم الوقتي. ازاي يا جماعة علو همة -

00:08:00

صالحين في الشتاء القارص بل في الجليد. بل في الجليد. انا مش عايز اجيب لك كمان علو همة اهل الباطل. علو همة المنصرين في الدعوة للتنصير رغم علو همة شهود يهوء في الدعوة للتنصير رغم الجليد والشتاء القارص علو همة كل دول عايزين ندفن -

00:08:20

بالكلام عن النار. عايزين ندفي بالكلام عن علو الهمة. في فصل الشتاء وعلو همة الصالحين. اشتكت النار الى ربها. فقالت يا رب اكل بعضي بعضا فاذن الله لها في نفسين. اذن الله لها في نفسين. نفسين يعني ايه؟ انت عارف واحد صدره - 00:08:40

اغلي فيقوم يعمل ايه؟ يقوم يطلع نفس يفضي النار اللي في صدره شوية يخف الغليان اللي في قلبه شوية. فاذن لها في نفسين. نفس في الشتاء ونفس في الصيف نفس والنفس اللي في الشتاء ذكر في الحديث الاول. يا اخوانا شتاء جهنم اشد من نار جهنم

00:09:00 والعياذ بالله -

في الشتاء ونفس في الصيف. فشة ما تجدون من البرد من زمهريرهم فشة ما تجدون من البرد من زمهريرها. ممكن مين هنا؟ يعني كانه من جنسها يعني بقى وشدة ما تجدون من الحر من سمومها. يعني النبي عليه الصلاة والسلام بيقول لك لما تلاقي البرد -

00:09:30

ده اوي اوي اوي اوي اوي! افتكر زمهارير جهنم! افتكر زمارير بتاعها! واما تلاقي الحر زاد اوي اوي اوي! افتكر جهنم السموم اللي هي الرياح الحارة بتاعة جهنم التي تتخلل مسام الاجساد. تتخلل مسام الاجساد وتدخل للاجساد من جوة الرياح في - 00:10:00

الدنيا مهما شدت ما بتقدرش تخترق الجلد. انما رياح جهنم الحارة والعياذ بالله بتخترق مسام الجسم. وتتوغل داخل الاجساد فشة ما تجدون من البرد من زمهريرها وشدة ما تجدون من الحر من سمومها. يبقى جهنم فيها صيف وشتا يا جماعة؟ يبقى - 00:10:20

فيها نار يا جماعة وفيها جليد يا اخوانا عشان كده شف ربنا سبحانه وتعالى بيقول لك ايه عايزين نعرف ان الزمهرير اللي بيحصل ده يفكرك بجهنم يفكرك بالنار. لان ده من برد جهنم ده من جنس عذاب الزمارير في - 00:10:40

ان كأن الله يوقظنا الناس اللي اشتريت بطاطين واشترت الحفا واشترت بلوفرات واشترت دفايات وزبطت المكيفات دافي ويركب العربية يشغل التكييف. الناس اللي عملت كل ده يا اخواني في الله. انت استعدادك لزمهرير جهنم بايه؟ انت عملت ايه عشان زمارير

00:11:00 جهنم -

دلوقتي اخوانا في سوريا بيموتوا من البرد. اطفال سوريا بيموتوا من البرد دلوقتي. تمانين في المية من لاجئي العالم اللي عايشين في المخيمات من المسلمين. يعني الوقتي موجة الصقيع اللي على مستوى العالم ديت اطفال المسلمين بيعملوا ايه؟ اطفال سوريا

بيموتوا في حمص وفي غيرها من البرد. ماذا فعلت انت؟ - 00:11:20

اللي الوقت متدفيين على جسس اخوانهم من المسلمين اللي متدفيين بتعذيب اخوانهم المسلمين بالبرد. بكرة يأمنوا ان هم اللي يتعذبوا في زمان جهنم بكرة يأمنوا ان هم اللي يتكوا بزمهرير جهنم وبجليد جهنم والعياذ بالله. انا عايزك تتخيلي جهنم وهي بييجي

00:11:40 عليها -

صيف ها او بييجي طبقة الحر اللي فيها وجهنم وهي بييجي عليها الجليد. ويبقى العذاب بيتقلب نوع ثاني خالص. الكلام ده فين؟ اسمع قول الله سبحانه وتعالى ان جهنم كانت مرصدا. ان جهنم كانت مرصدا. مرصاد ده - 00:12:00

عارف يعني هيئة ارصاد؟ عارفين هيئة الارصاد بتاعة الدنيا اللي قاعدة ترصد الطقس هيبقى شكله ايه بكرة والحرارة هيبقى شكلها

ايه؟ والمطر هيبقى شكله ايه بترصد الناس في ارض المحشر. جهنم اهي هيئة ارض قاعده ترصد الناس في ارض المعشر. اول ما تلقط فلان ده هو مجرم. فلان ده هو مطلوب القبض - [00:12:20](#)

عليه. فلان ده اهو على قوائم الانتظار. فلان ده اهو ممنوع ممنوع من السفر ممنوع ان انه يروح اي مكان في ارض المحشر الا جهنم انت اهو عليه احكام واجبة النفاذ الان. ان جهنم كانت مرصدا للطاغين مثابا. هيرجعوا لها لابسين فيها - [00:12:40](#)
احقابك اعقاب ديت ازمان سحيقة لاثنين فيها اعقابا. تخيل بقى لو انت مر عليك سنة الصيف بتاعها رهيب والشتا بتاعها جليد. مين اللي يقعد سنة واحدة في البلد دي! طب تخيل احقابا بقى. كل شوية صيف شتا صيف شتا جليد. نار جليد - [00:13:00](#)
نار جليد نار للطاغين مآبا. لاثنين فيها احقابا. لاثنين فيها احقابا. لا تذوقون فيها بردا ولا شرابا. اسمع الا حميما وايه؟ وغساقا. قال لك حميم قمة الحر والحرارة والغساق قمة البرد. فقال لك ان ان نوعية تعذيب في جهنم جمعة في هذه الاية - [00:13:20](#)
تعذيب بالحر والتعذيب بالبرد. العذاب ببيضيق والعذاب بضيق. احزر ان اخوك ينام بردان وانت متدفي. احسن انت اللي تتعذب بسبب البرد بتاعه في زمارير جهنم بكرة. احزر انك انت عشان البرد بتاع الشتا النهاردة تبعد عن الطاعة وتبعد عن ربنا وتبعد. احزر اللي - [00:13:50](#)

ماشيين يا جماعة متدفيين الوقتي في بيوتهم وهم بيعصوا ربنا قدام المواقع والقنوات والمكالمات والاتصالات اللي قاعدين بيعصوا ربنا دلوقتى متدفيين ايه اللي هيدفيكم برضك بكرة من برد جهنم الا حميما وغساقا جزاء وفاقا. جزاء وفاقا زي ما نوعوا - [00:14:10](#)

اصناف المعاصي وتفننوا في اصناف المعاصي ينوى عليهم اصناف العذاب الا حميما وغساقا جزاء وفاقا جزاء وفاقا كما قال تعالى في سورة صاد هذا وان للطاغين لشر مآب وان للطاغين افترى - [00:14:30](#)
فين الوقتي مين بقى ؟ قد ايه طغاة الوقت والعياذ بالله؟ هذا وان للطاغين لشر مآب. جهنم يصلونها فبئس جهاد هذا فليذوقوه حميم وغساق. هذا ده المنو بتاعة بقى اصناف التعذيب في جهنم - [00:14:50](#)
بتاعة المشروبات بتاعة جهنم حميم وغصان. تشرب ايه؟ تشرب مائة بتغلي ولا تشرب تلج يكوي اشد من الماية اللي بتغلي فليذوقوه حميم وغساق وافر من شكله ازواج. تنوع اصناف العذاب في جهنم. كتبت اصناف النعيم في الجنة - [00:15:10](#)
لان اهل الجنة تفننوا في طاعة الله وابدعوا في طاعة الله. واهل النار تفننوا في معصية الله. وابدعوا والعياذ بالله. او تفننوا في معصية الله فيأتي العذاب متنوع كما كانت المعصية. متنوعة. يبقى ازا يا اخواني في الله اشتكت النار كلمة مرعبة. اكل بعضي بعضا - [00:15:30](#)

كلمة مرعبة اذن الله لها في نفسين. كلمة مرعبة من زمهريرها من سمومها. يعني جهنم زمهير وسموم يبقى اول حاجة نفتكرها في الشتاء علو الهمة في تذكر جهنم. علو الهمة في تذكر النار. علو الهمة في الاحتراز من النار - [00:15:50](#)
لو البرد دلوقتى قرصك يسموها قرصة البرد. لو البرد دلوقتى قرصك خاف من قرصة البرد بتاعة يوم القيامة. الحاجة الثانية اللي افترىها بمناسبة الشتاء ومناسبة انهار المطر وفي القاهرة المطر بينزل جليد بينزل جليد في القاهرة الجديدة الذي نتذكره الان - [00:16:10](#)

يوم القيامة احد السلف بيقول رحمه الله بيقول كلما رأيت تساقط الثلج كل ما يشوف تساقط الايه؟ البرد والتلج تذكرت تطاير الصحف يوم العرض على الله. تذكرت تطاير الصحف والصحف بتتطاير. تخيل بقى - [00:16:30](#)
يا صحبي بقى عددها زي عدد حبات المطر كده او حبات الجليد. وكل واحد له الصحيفة بتاعته. وكل واحد ياخذ الصحيفة بتاعته وما حدش عارف هياخذها باليمين. ولا بالشمال قال فهذا من علو الائمة لما انت تشوف المطر. شف الصالح بي فكر في ايه. شف الصالح ببص للدنيا ويفكر في ايه. ويفكر من الدنيا ايه في الآخرة. وازاي الدنيا - [00:16:50](#)
فكروا بالآخرة بين علو الهمة في الشتاء. علو الهمة في تذكر الجنة. الجنة! اه ازاى؟ قال تعالى لا يرون فيها ولا زمهريرا. لا يرون فيها شمسا ولا زمهريرا. يا جماعة معنى ان مش هيشوفوا فيها شمس ولا زمهرير - [00:17:10](#)

ان الناس دي في الدنيا ياما شافت شمس وزمارير بس مش وهي نايمة في بيوتها وهي بتعبد ربنا وهي مجتهدة في طاعة ربنا وهي عندها علو اما في ربنا انا عايز اسألكم يا اخواني. عايز اسأل كل واحد منكم. قمت ليلة امبارح. مين يا اخوانا اللي قام ليلة امبارح؟ مين يا اخوانا اللي ادرك ولو نص ساعة قبل الفجر امبارح - [00:17:30](#)

مين يا جماعة اللي صام امبارح مش امبارح كان الخميس؟ مين اللي صام امبارح؟ مين اللي صام صوم الشتاء الغنيمة الباردة صوم الشتاء الغائمة الباردة مين اللي صام امبارح يا اخوانا؟ مين اللي قعد جلسة الضحى النهاردة؟ مين يا اخوان؟ ومين اللي قضى امبارح والنهارده تحت السرير وتحت البطانية؟ وقاعد - [00:17:50](#)

تلفت يا اخوانا الايمان بيدي حرارة في القلب. لولا هذه الحرارة الصالحين ما كانوا استحملوا الطاعة في زمن الشتاء والبرد والصقيع. لما الواحد سبحان الله النهاردة وانا رايح لخطبة الجمعة كانت في بلد سفر في العاشر من رمضان. وانا رايح خطبة جمعة والطريق كله شتا. ولو نزلت الازاز سنتي - [00:18:10](#)

حيس انك انت هتلعج جوة العربية والطريق كله بحيرات مائية والدنيا بتشتي كل شوية قلت سبحان الله العظيم تذكرت فتح بلاد فارس الصحابة راحوا يفتحوا بلاد فارس في عز الصقيع. الجليد نزل عليهم قعدوا ست شهور مش عارفين يتقدموا بسبب الجليد. كان الجيش ده فيه ابن عمر رضي - [00:18:30](#)

ابن عمر اللي كان السبب في ان اهل فارس يدخلوا في الاسلام. سبحان الله! النهاردة اهل فارس بيكفروا ابن عمر وبيكفروا. عمر بن الخطاب رغم ان هم كانوا سبب في دخوله بالاسلام. عمر ابن الخطاب هو اللي ارسل الجيش وهو خليفة وابن عمر كان في الجيش. والنهارده سبحان الله ولكن انا عايز النقطة - [00:18:50](#)

عبرة هنا الصحابة وهم يبجاهدوا في الجليد يا اخوانا. احنا اللي ببيجي ده رياح بس كده. يعني ايه؟ ريح ريح آ ريح باردة هوا بارد بس هوا شديد شوية انما انا انا عايزك تخيل جليد والصحابة خارجين من بيئة صحراوية قاحلة بيئة - [00:19:10](#)
شديدة شديدة الحرارة. وعشان يستحمل ست شهور الجليد. يستحملة ازاى؟ ده الواحد لما الدنيا بتشد شوية في البرد بيبقى حاسس ان هو هيتجنن الله! يبقى يقينا كان حرارة الايمان مدفية قلوبهم. يقينا كانت قلوب دافئة بحرارة الايمان. كان جوة في دينامو شغال. مولع - [00:19:30](#)

الدنيا جوة مخلي جوة في طاقة. مخلي جوة النار بتاعة الحماس وحرارة الايمان. والرغبة في العمل الصالح متقدة. كلام ابو بكر وده كلام مزبوط ده انت ممكن تلعب جيم عشر دقائق تحس انك عايز يعني تفضل بس ايه بتيشيرت كده في الاخر من شدة الحرارة اللي بتنبعس في جسدك من شوية - [00:19:50](#)

رياضية. امال الرياضة الايمانية بقى؟ او مال القلب المتصل بالله يبقى شكله ايه؟ القلب المتصل بالله يبقى دافئ بالايمان قد ايه؟ يبقى اذا يا اخواني انا عايز اسألكم دلوقتي الشتا ده معطلكم عن طاعة ربنا. الشتا ده معطلكم عن قيام الليل. الشتا ده معطلكم عن صيام النهار. الشتا ده معطلكم عن الدعوة الى الله - [00:20:10](#)

اوعى حاجة تعطلك عن ربنا. اوعى يبقى في زرف من الزروف يوقف دينك. ويقول لدينك خلاص ما انتاش هتقدر تكمل. طول ما الزرف ده موجود لازم تتعلم انك في اي ظرف دينك قوي. زي سيدنا يوسف دخل السجن قابله السجنين قالوا له ان دراك من المحسنين. بعد كده - [00:20:30](#)

قعد على كرسي وزارة المالية في مصر دخل عليه اخواته قالوا له انا نراك من المحسنين. وهو على كرسي الملك انا نراك من المحسنين. وهو في السجن انا بركة من المحسنين دينه ما بيتأثرش. دينه ما بيتأثرش. فيه اخوة منا ايام الامتحانات دينا يزيد. وفي الاجازة الدين هيقول. والعكس ناس العكس المفروض الملتزم - [00:20:50](#)

ده دين وما بيتأثرش بزرف من الزروف. مستوى اتصال قلبه بالله سابت مستمر زي سيدنا موسى. وهو في قصر فرعون ملتزم وصالح اصبح بعد كده حصل موقف قتل القبطي وهرب سيدنا موسى الى مدين. راح عاش في خيمة في الصحراء وسط البدو يرفع الاغنام. دينه قال لأ ما - [00:21:10](#)

عبادته قال لك لا ما قلتش. اتصاله بالله قال لي لأ ما قلتش. ده كان امبارح في عصر وبقي النهاردة في خيمة. يعني سيدنا يوسف كان في سجن وبقي في قصر - 00:21:30

وسيدنا موسى كان في قصر وبقي في خيمة زي السجن كده. لا ده دينه قل ولا ده دينه قل. لا ده دينه اتأسر ولا ده دينه اتأسر. هو ده الدين يا اخوانا. ان انت - 00:21:40

فدينك ما بيتأسرش ليه ؟ حرارة الايمان في قلبك عاملة لك دينامو. دينامو ايماني ومولد حراري ايماني. جواك بيخليك مهما حصل انت منطلق الى الله سبحانه وتعالى. عشان كده انا عايز اسألكم اخبار عبادتكم ايه دلوقتي ؟ اخبار صيامكم وقيامكم ايه دلوقتي ؟ اخبار شغلكم - 00:21:50

وفي صنائع المعروف عشان اخوانا اللي في البرد والفقراء المسلمين. اللي في البرد اخبار اجتهدكم في اخبار اجتهدكم في الدعوة الى الله ايه دلوقتي مهما كان المؤمن لا يوقفه شيء والغزوة اللي لازم ان احنا نفتكر الموقف بتاعها ونحن في هذا البرد - 00:22:10
تخيل البرد ده الاخ اللي جه الدرس النهاردة بيعتبر نفسه بطل. ايه يعني تحس كده ان ايه انا جيت الدرس اهو حضرت رغم البرد حبيب قلبي امال لو كان اتعرض عليك غزوة الاحزاب. غزوة الاحزاب اللي كانت في صقيع رهيب. وعلى فكرة يا جماعة السعودية هي حارة على طول. ولكن - 00:22:30

اما بتقلب برد انا اذكر والله مرة حجيت يعني في في حج مما رزقني الله سبحانه وتعالى به ويعني ما كنش آآ الواحد تبع لا شرك ولا له مكان يسكن فيه. كنت انا ويعني بعض اخواني كده قاعدين في الشارع. والله اذكر ليلة مزدلفة. والله احسست ان من البرد - 00:22:50

ان الواحد هيفقد عقله من البرد. من الصقيع الرهيب اللي كان موجود بها. سبحان الله العظيم! فانت يعني ما تعتقدش ان السعودية كلها النبي عليه الصلاة والسلام في غزوة الاحزاب. تخيل في البرد الرهيب في البرد الرهيب. يحفروا الخندق. وبعد كده يبجي المشركين - 00:23:10

في حصرهم حوالي شهر، وبعد كده الليلة الاخيرة بقي انا عايزك تتخيل الرياح الباردة اللي جت في الليلة الاخيرة كان شكلها ايه ؟ انا عايزك تتخيل كأنها حواليها ايه ؟ لدرجة - 00:23:30

ان النبي عليه الصلاة والسلام يريد ان يستطلع خبر المشركين. فيعرض على الصحابة حد يقوم يا جماعة ما حدش عايز يقوم. يا اخوانا حد يقوم. ما حدش عايز يقوم. والنبي عليه الصلاة والسلام عرض عرض - 00:23:40

مش ممكن يعني اي حد منا وهو قاعد دلوقتي يتخيل انا مستعد اموت بس اخذ العرض ده. من يأتينا بخبر القوم وهو معي في جنة وهو مع النبي صلى الله عليه وسلم في الجنة. يا جماعة ابو بكر قاعد ما قمش. عمر قاعد ما قمش - 00:23:50

مش من الصحبان من كتر الجليد والصقيع والبرد الرهيب ما حدش من الصحابة قال النبي عليه الصلاة والسلام في الاخر الزم حذيفة ابن اليمان قم يا حذيفة سيدنا حذيفة قام طبعا يعني لو انت في الموقف ده هقوم ازاى واروح فين ويعني القضية دلوقتي انا مش - 00:24:10

الحديس قضية يا جماعة ان الجهاد غزوة الاحزاب كانت في برد شديد. الصحابة في اول الغزوة كانوا ثلاث تلاف. على نهاية الغزوة كانوا بقوا تلتمية يعني تساقط الفين وسبعماية. يعني اللي فضلوا في النهاية مع النبي لحد الليلة اللي ابو سفيان قرر الانسحاب فيها تلتمية - 00:24:30

صحابي الليلة دي كان اللي حوالي النبي فيها عليه الصلاة والسلام تلتमित صحابي. انت متخيل كده لو انت بتجاهد في البرد ده هتصمد؟ يا اخوانا لابد ده من تولد حرارة الايمان جوانا. لان الدين محتاج لازم نستبزل كل حاجة. منصرين في الجليد بيدخلوا. في الغابات بيدخلوا. في - 00:24:50

مستنقعات بيدخلوا لازم تتعلم ان انت يبقى عندك علو يا اما في نصرة دين ربنا. سبحانه وتعالى. كنت بقرأ في قصة ذي القرنين. ويعني كان المتوقع ان انا كنت النهاردة امتدادا للقصص بتاعة سورة الكهف. ولكن سبحان الله العظيم يعني ايه الموقف بتاع الشتاء

وعلو الهممة في الشتاء واحوال الصالحين في الشتاء - 00:25:10

اغلى ليالي العمر في الشتاء زي ما هنقول الوقتي خلاني النهاردة اتكلم عن موضوع الشتاء والعبادة في الشتاء. والموسم العظيم اللي ربنا جاييه لنا ازاى ان احنا نستسمر هذا الموسم انما انا بقراً في قصص زي القرنين حتى اذا بلغ مغرب الشمس وجدها تغرب في ايه؟

عين حمقة شوية مستنقعات - 00:25:30

مستنقعات دي يعني مجاهيل الارض بقى. الناس اللي عايشة في المستنقعات دي يعني ناس ده في بلاد الواوء بقى. حتى اذا بلغ مطلع

الشمس وجدها تطلع على قوم لم نجعل لهم - 00:25:50

من دونها ستر. مفسرين قال لك يعني ما فيش هدوم على جسمهم. ما بيعرفوش حاجة اسمها هدوم. ما عندهم بيوت. ما يعرفوش

حاجة اسمها بيوت. ما فيش شجر. ما يعرفوش حاجة اسمها زرار - 00:26:00

يعني الناس دي تخلف ما فيش بعضه في التاريخ بقى. ما فيش تخلف زراعي وحضاري ومعماري. زي كده في التاريخ. بعد كده حتى

اذا بلغ بين السدين وجد من دونهما قوما لا يكادون يفقهون قولاً. يعني في مجاهيل ودهاليز الارض. ناس ما بيْفهموش يتفاهموا مع

البشر ازاى. ده دلالة ان - 00:26:10

الناس دي وصلوا من التخلف انهم عايشين في المكان ده عمرهم لا خرجوا منه ولا حد جالهم. عمر ما في حد جالهم مش عارفين اصلا

يتفاهموا مع زي القرنين. مش عارفين يتفاهموا مع البشر. يعني - 00:26:30

في معنى كده عين حماة لم نجعل لهم من دينها ستر. من دونها ستر. اه اه لا يكادون يفقهون قولاً. يعني ذو القرنين يا جماعة لما

اشتغل في الدعوة وصل لمجاهيل مجاهيل الارض والدهاليز دهايليز الارض هي ده علو الهممة يقينا قبل الشتاء القارص والحر الناري -

00:26:40

وقابلوا كل حاجة. يقينا قبله كل المواقف التي نتخيلها والتي لا نتخيلها. ما ينفعش ان انت دينك يقف عند اي ظرف من الزروف ما

ينفعش ثم اتبع سببا ثم اتبع سببا. شتا مكمل صيف مكمل هو ده اللي بيوصل. الانسان المستمر هو ده اللي بيوصل. عشان كده في

غزوة - 00:27:00

الاحزاب رغم الصقيع الرهيب. الصحابة بيحفروا. رغم الصقيع الرهيب. الصحابة متترسين بالخندق. رغم الصقيع الرهيب. الصحابة

سبتوا وحذيف ابن يا من يقوم في هذا الشتاء القارس يقول فلما قمت واطعت امر رسول الله صلى الله عليه وسلم كأني امشي في

حمام. الحمام ده اللي هو كان الماية - 00:27:20

السخنة بقى اللي بيتغسل اللي بيستحمي فيها العرسان يوم الدوخة. حاجات كده يعني ايه كانت عندهم ايام زمان يعني. حاجة دفا

الدفا يعني. قال لك كأني امشي في حمام لما اطاع امري - 00:27:40

النبي عليه الصلاة والسلام الدفا بتاع حزنائي بتاع حزيفة جه منين؟ من الدينمو الايمان الداخلي يا جماعة. من المولد الايمان الداخلي.

القلوب الدافئة مهما كان الصقيع حرارة الايمان الباهرة المتولدة مهما كان الشتا ما حدش حاسس بحاجة الواحد ساعات بيشفو نمازج

من بعض مشايخنا - 00:27:50

حاجة مهولة. الناس دي ما بتنامش. الناس دي ما بتتعفش زينا. الناس دي ما بتجوعش زينا. الناس دي ما بتهبطش. يا اخوانا فيه مولد

ايماني اني ابيت عند ربي يطعمني ويسقيني. ده فيه قوانين تانية للناس اللي بتعلو اوي فوق للناس اللي بتطلع اوي فوق -

00:28:10

قوانين تانية تلاقيها ما لهمش دعوة بقوانين الاكل بتاعتنا. ما لهمش دعوة بقوانين النوم بتاعتنا. ما لهمش دعوة بقوانين البرد والحر

بتاعتنا. ومن كتر انشغاله دار الاخرة فعلا بقى حاجة تانية. الشتاء وعلو الهممة. علو الهممة لا يرون فيها بردا ولا زمهريرا. انك تفتكر

الجنة. انك تفتح - 00:28:30

افتكر الرفاهية اللي في الجنة بس مين بقى يا اللي يرون فيها بردا وزمان اللي شغال في الدعوة الوقتي اللي جاي ده يحضر درس

في الشتا ده اللي شغال في العبادة في قيام الليل والدنيا - 00:28:50

برة بترخ والشتا وصوت الرعد والبرق وهو مكمل. قاعد يصلي ويعبد ربنا سبحانه وتعالى. فده اللي نازل يصلي الفجر والدنيا جليد. اللي نازل يروح مشوار دعوي والدنيا متلجة. لا يرون فيها شمسا ولا زمهيرا. ما - 00:29:00

ما لهمش دعوة من علو الهمة في الشتاء يا اخواني في الله. علو الهمة في التدبر يا جماعة. الو الهمة في التدبر. فصل الشتا ده في التدبر ما لوش حل. علو الهمة في التدبر. النبي عليه الصلاة والسلام. الليلة اكثر ليلة بكى فيها السيدة عائشة لما سألوها ما اعجب ما رأيت من رسول الله اعجب - 00:29:20

فوق يعني كل حياة النبي عليه الصلاة والسلام عجائب. مبهرة. تخيل كده انت لو قضيت يوم مع مسلا الشيخ ابن باز الله يرحمه مسلا وشفت قيامه وصيامه وعبادته. وان تخيل انت لو مضيت يوم مع شيخ كبير مسلا ليل نهار في العبادة حاجة كلها عجائب. اومال بقى واحدة عايشة مع النبي عليه الصلاة والسلام العشر سنين بتوع المدينة. يعني تخيل - 00:29:40

شافت اللي يعني اللي يخلع القلب من الانبهار. فبيقولوا لها اشد حاجة بقى. اعجب حاجة. قامت جايبة لهم الليلة اللي نزل على النبي عليه الصلاة والسلام فيها قول الله ان في خلق السماوات والارض واختلاف الليل والنهار لآيات لاولي الاالباب. جابت لهم الليلة دي - 00:30:00

وبكاء النبي عليه الصلاة والسلام طول الليل لدرجة انه نام وهو يبكي سيدنا بلال جاي ينقذه لصلاة الفجر قال له ما يبكيك يا رسول الله؟ عليه الصلاة والسلام يعني هو نام بيعيط - 00:30:20

عليه الصلاة والسلام فقال لقد انزل علي الليلة آيات ويل لمن قرأها ولم يتفكر فيها. يا اخوانا عدم التفكير ده جريمة ويل لمن قرأها ولم يتفكر فيها. عدم التدبر ده جريمة. عدم التفكير ده جريمة. شف ربنا سبحانه وتعالى يقول لك هو الذي يريكم - 00:30:30

البرق خوفا وطبعاً. آيات ربنا في الشتا اللي انت ممكن تتدبر فيها. واللي ما بتشوفهاش غير في الشتا. هو الذي يريكم البصر ارقى يريكم يريكم بص شف خوفا وطمعاً وينشئ السحاب الثقال شف منظر السحاب في السماء - 00:30:50

ايه ده! ده السحاب ده لو نزل كل الماية اللي فيها يبقى طوفان. ويسبح الرعد بحمده. الله اكبر. يعني صوت الرعد ده صوت تسبيح مخلوق. امال لو ربنا سمعنا صوت تسبيح الاسود وصوت تسبيح البحار وصوت تسبيح الجبال وصوت تسبيح الشمس وصوت تسبيح القمر وصوت تسبيح قشرة الارضية وصوت تسب - 00:31:10

البراكين وصوت تسبيح الزلازل. ويسبح الرعد بحمده والملائكة من خيفته. ويرسل الصواعق من وحياء ربنا في الشتاء ويرسل الصواعق فيصيب بها من يشاء. وهم يجادلون في الله وهو شديد المحال. في ليلة كلها - 00:31:30

فرد قارص والمطر بينهم آيات ربنا في الرعد والبرق والصواعق والسحاب الثقال منهمة ليلة كلها تدل على الله وتلاقي واحد ملحد واقف قاعد يآلف كتاب ولا داروين يآلف كتاب ينافح فيه عن فكرة الالحاد والعياذ بالله ولا تلاقي - 00:31:50

واحد ملحد قعد يكتب كلام الحادي على الفيسبوك. وآياته ربنا منهمة. من حوالينا ولكن الاعمى هتعمل ايه؟ اللي ما هوش شايف مش شايف والعياذ بالله يبقى فرصة يا جماعة. الشتاء فرصة للتدبر. فرصة لمعرفة الله. فرصة انك انت تتدبر في آيات ربنا - 00:32:10

فانز السماء في الشتاء ما تعوضش. مش هتلاقيه طول السنة. منظر القمر ومن تحت الغيوم ومن تحت السحاب. بيبقى منزله كده باين من وراها عامل ضل كده منور بيبقى منزل يخلع القلب. منظر الشمس من الشمس والسحاب تحتها. لو السحاب متجمع بقى وبقي مش - 00:32:30

خمس حاجات بسيطة او السحاب متقطع والشمس عاملة الحروف حوالين وملونة بلون الشمس. منظر يخلع القلب. منظر السما مع السحاب منظر منازل التدبر في الشتاء منازل باهرة لمن يتدبر لمن يعقل. الشتاء وجبة - 00:32:50

عزيمة في التدبر في خلق الله. لان فيه آيات في الصيف وفي آيات في الشتاء. حتى الواحد لما بيروح اماكن خلوية يتدبر في الشتاء المنازل الزرع في الشتاء ده غير الصيف الصيف بتلاقي الارض معظمها محصود والارض معظمها ترابية. في الشتاء بتلاقي الارض كلها خضراء ومزهرة وانواع الزروع انواع كثير سبحان الله العظيم - 00:33:10

تدبر في الشتاء وليمة وليمة. عشان كده يا اخواني في الله من علو الهمة اللي احنا عايزين نتكلم عنه بقى من علو الهمة الخطير اللي احنا عايزين نتكلم عنه علو الهمة في العبادة في الشتاء. يعني علو الهمة في الجهاد قلنا غزوة خيبر - [00:33:30](#)

فتح بلاد فارس ياه وتعال بقى في فتح افغانستان والجلود والتلج. الصحابة يابا شافوا يا اخوانا. الصحابة ياما شافوا عشان الدين ينتصر. الصحابة لو كانوا قالوا الدنيا برد والدنيا تلج يعني معلى نقعد في بيوتنا. ما كانش زمان انا وانت دلوقتي مسلمين. لازم تتعود التضحية عشان دين ربنا. النهاردة كنت بقرأ الفجر - [00:33:50](#)

سبحان الله العظيم! في قول الله سبحانه وتعالى ومن الناس من يشري نفسه ابتغاء مرضات الله. والله رؤوف بالعباد. يا قبلها على طول ومن الناس من يعجبك ها؟ قوله في الحياة الدنيا قربنا جايب لك نموذجين واحد كلمنجي ومن الناس من يعجبك - [00:34:10](#)

قوله مش عمله بتاع كلام يعجبك قوله في الحياة الدنيا استاز وفاهم كل حاجة في الدنيا والسياسة واقتصاد وهو قلبه والعزة من والعياذ بالله قربنا بيقول لك ومن الناس من يشري نفسه ابتغاء مرضات الله. الاية دي نزلت في امسال صهيب الرومي لما ساب كل ماله للمشركين عشان يسيبوه يهاجر للنبي عليه - [00:34:30](#)

السلام. يجري نفسه يعني يبيع نفسه. مستعد انه يعمل اي حاجة عشان ربنا. مستعد انه يسيب اي حاجة عشان ربنا. حتى لو ساب تحويشة عمره وشقى عمره كله في لحظة - [00:34:50](#)

عشان يهاجر للنبي عليه الصلاة والسلام. مستعد انه يعمل اي حاجة عشان ربنا حتى لو هيهاجر وهو وحيد فريد بلا مال ولا زاد الى النبي عليه الصلاة والسلام عشان كده في الآخر ومن الناس من يشري نفسه ابتغاء مرضات الله. والله ايه؟ رؤوف بالعباد. اللي بيجهد نفسه عشان ربنا - [00:35:00](#)

فده بيرى رافة ربنا بقى. بيرى نفحات الرؤوف الرحيم. بيرى رافة ربنا به في حياته. في ايمانه في صلته به في دينته قبل اخرته. عشان كده عيش لنفسه اللي باع كل حاجة عشان ربنا. اللي عمل كل حاجة عشان ربنا ده اللي هيعرف اسم الله الرؤوف. ده اللي - [00:35:20](#)

شف رافة ربنا به. في الدنيا وبمن يرأف الرؤوف. ان لم يرأف بهذا سبحانه وتعالى له الملك. يفعل ما يشاء في ملكه. والله اوف بالعباد. اخواني في الله علو الهمة في الشتاء في العبادة. علو الهمة في الصيام والقيام - [00:35:40](#)

اغلى ليالي العمر واغلى ايام العمر. من الحاجات اللي بكت قلب الواحد بكاء معاذ بن جبل رضي الله عنه عند الموت فقيل اتبكي جزعا من الموت؟ فقال بل ابكي على حاجتين. بيعيط انه حزين انه هيسيب حاجتين. تخيلهم ايه؟ نهار - [00:36:00](#)

الصيف ظمأ الهواجر. صيام الصيف وقيام ليل الشتاء. يا اخوانا المغرب النهاردة على كم؟ بيدن على خمسة خمسة الا عشرة والفجر على خمسة وعشرة. يعني ليلة اتناشر ساعة وعشرين دقيقة. يعني الليل اتناشر ساعة يعني لو انت نومان - [00:36:20](#)

اللي داخل موسوعة جينيس في الارقام القياسية في النوم هتنام تمن ساعات يبقى لك قيام الليل كم ساعة؟ اربع ساعات اربع ساعات. لو انت يعني استاز في النوم. هيتبقى لك - [00:36:50](#)

اربع ساعات تدعي الساعة الاولانية على الزالمين ربنا ينتقم منهم. زي ما ازونا وتدعي الساعة الثانية للمظلومين ربنا كربهم وتدعي الساعة الثالثة للمقتولين ربنا يتقبلهم من الشهداء. وتدعي الساعة الرابعة للتناقلة اللي زينا ربنا يستعملهم لنصرة الدين - [00:37:10](#)

اربع ساعات لو انت نمت ثمان ساعات. يعني ده ثمان ساعات ايه بقى؟ يعني يعني نمت ووكبت قوي يعني يا اخوانا الليل ده عشان كده كان عمر بن الخطاب رضي الله عنه يقول لك اسمع بقى الكلام الغريب ده ايه ده! هو الناس اتكلموا في القصة دي! هو - [00:37:30](#)

الصحابة والسلف اتكلموا في الموضوع ده. موضوع الشتا. يا اخوانا عمر بن الخطاب يقول لك الشتا. اسمع غنيمة العابد غنيمة بيقول لك الشتا ده كنز. الشتا ده غنيمة. معاذ ابن جبل بيعيط - [00:37:50](#)

على الليالي بتاعة الشتا اللي احنا فيها دي. بيعيط ولو الايمان استيقز في قلبك وقلبك هنبكي دم على الليالي بتاعة الشتا والله العظيم يا هنبكي دم على الليالي بتاعة الشتا. حاجة يعني مش ممكن! النهار قد كده اهو! يعني الصيام بازن الله سبحانه وتعالى يسير جدا -

والليل طويل. يعني القيام يسير جدا. عشان كده عمر بن الخطاب يقول لك الشتاء غنيمة العابدين. ابن مسعود بقى قال لك كلمة تانية. قال لك مرحبا شتاء مرحبا بالشتاء. مرحبا اهلا اهلا. اهلا وسهلا. تنتزل - 00:38:30

فيه البركة ويقصر يوم نهاره فيصام ويطول ليله فيقام. بيقول لك ده عشان كده النبي عليه الصلاة والسلام في الحديث الذي صحه الشيخ الالباني الصوم في الشتاء الغنيم الباردة. الصوم في الشتاء الغني - 00:38:50

فيما الباردة يعني غنيمة غنيمة بكل سهولة بقى خلاص انت عايز ايه؟ غنيمة بكل بساطة من غير ما تتعب ولا تبزل مجهود ولا ولا يعني يدوبك كده يعني يدوبك يا اخي في الله انت يعني عشان تريح نفسك تمن ساعات بالليل كده ها يا دوبك عشان تصحى فايق ها هيتبقى لك اربع ساعات لقيام الليل - 00:39:10

وبعد كده طبعا يعني ايه كده الكمية قليلة جدا انك تنامها. فهتنام لك بالنهار كمان تمان ساعات. يدوبك عشان توزن العملية عشان تفوق بقى. عشان لما تيجي تنام بالليل تاني تبقى نايم وانت ايه - 00:39:30

انت لو اتفقت ما تبقاش نام وانت تعبان يعني. فانت يدوبك هتتسحر واصلي الفجر هتنام هتصحى تلاقي المغرب ادن. هم ساعتين بساط كده ايه يعني تعمل فيهم الانشطة اليومية المعتادة وهتلاقي نفسك المغرب ادن والفطار جه عشان كده احد السلف رحمه الله كان يقول لك نعم نعم - 00:39:40

اعمى الزمان الشتاء. نعم نعمة يعني يقول لك مرحبا بالشتاء. وابن عمر بيقول لك غنيمة العابدين. الشتاء النبي عليه الصلاة والسلام بيقول لك الغني قيمة الباردة عليه الصلاة والسلام. الغريب ومعاذ ابن جبل بيعيط على ليل الشتا وهو بيموت. بيعيط بيبكي على ليل الشتا وهو بيموت. اخواني في الله لما - 00:40:00

فربنا يسهل لنا الموضوع للدرجة دي. لما الموضوع يبقى سهل. يا اخوانا اللي مش هيصوم اتنين وخميس الوقتي. امال هيصوم اتنين وخميس امتى؟ ان شاء الله امتى؟ يعني شهر سبعة - 00:40:20

اللي مش هيصوم يوم ويوم ويطبق صيام داوود الايام دي. امال هيطبقه امتى؟ اللي نفسه انه يسرد الصيام زي النبي عليه الصلاة والسلام. كان يصوم حتى قال لا يفطر ويفطر حتى يقال لا يصوم. امال اللي ما بيسردش الصيام الوقتي اللي ما بيجربش اسبوعين ثلاثة ورا بعض خبطة واحدة كده ضربة معلم واحدة كده ورا بعضها. بازن الله بس ربنا يتقبل - 00:40:30

امال هيسرد امتى؟ اللي مش متعود على الصيام الوقتي هيتعود عليه امتى؟ اللي ما بيجتهدش في صيام الوقت او مال حضرتك هتجتهد فيه امتى هتجيب المغرب بيدن خمسة الا عشرة تاني منين؟ هتجيبها دي تاني منين؟ والفجر خمسة وعشرة. يعني انتم فاكرين رمضان اللي فات كان الفجر كم؟ وكان - 00:40:50

المغرب كم؟ حاجة سبحان الله العظيم نزل ساعتين من الفجر وطلع ساعتين ونص من من المغرب حاجة سبحان الله العظيم. فتخليوا يا اخواني هذه الغنيمة الباردة اللي ربنا سبحانه وتعالى جابها لحد عندنا يبقى اذا فصل الشتاء الشتاء يا اخواني في الله يعلمك علو الهمة قلنا يعلمك - 00:41:10

علو الهمة فين؟ علوه انك تتعلم علو الهمة من العصاة من المتبرجات. المفروض يعني في الشتا تلبس لها بلطوين لأ بلطوين مين يا حبيبي؟ ده امشي اشد فتنة من الصيف. ليه؟ هي كده هي مخها عضة على قد كده. علو همة يا ابني. تعرف انت يبقى عندك علو همة كده؟ تعرف - 00:41:30

طب انت تلبس اللبس اللي المتبرجات بيلبسوه في الشتا وتمشي في الشارع! ده انت كنت تقف من طولك وانت راجل! تقف من طولك من كتر التلج! انما هي عندها علو همة! عندها مولد - 00:41:50

حراري للمعصية. شرح صدر للمعصية والعياز بالله ربنا يهدينا جميعا يا رب. هنقول الائمة من بتوع الكورة اللي مستعد يحضر مباراة في اي مكان قالوا يا اما من بتوع التنصير اللي شغالين في نشر الباطل مهما حصل شغالين في رش البطن. العروض السينمائية بتقف في الشتاء ابدأ. الملاهي الليلية - 00:42:00

اونلاين كلابات بتقف في الشتاء مطلقا. الماهي بتاعة آآ يعني بعض المنتجعات الفاجرة بتقفش مطلقا اشمعنى احنا اللي بنقف في الشتا ؟ اشمعنى احنا اللي اقل حاجة لا والله والزروف والزروف ؟ اشمعنى انت اللي شايف لنفسك ان الموضوع واسع. عايزين يبقى عندنا علو وهمة الشتاء - 00:42:20

علمنا علو الهمة في تذكر النار. قلت لكم يا اخواننا اكل بعضي بعضا. كلمة ترعبك. جهنم بتاكل جهنم جهنم بتاكل نفسها من الغليان. امال دي لما يتحط فيها بني ادم هيعمل هيحصل فيه ايه ؟ لما يتحط بني ادم فيها هيتعمل فيه ايه ؟ اللي - 00:42:40
جهنم نفسها ديت من شدة الغليان. هيحصل ايه في اللحم والدم فيها؟ والعياذ بالله عشان كده اسمها صقر صقر التي تذكر بتذيب. بتصهر بني ادم تسهر اللحم وتذيب العظم والعياذ بالله. تخيل جهنم وانت بتفتكرها في الشتاء كده وبتفتكر زمارين جهنم. تفتكر الجنة يا سلام - 00:43:00

يا سلام على الرفاهية بتاعة اهل الجنة. لقاها نظرة وسرورا. دانية عليهم ظلالها. ذلت قطوفها تزيلا ولا يرون فيها شمسا ولا زماريرا. كل وصف من اوصاف الجنة تحس انك قاعد في مكان قمة الرفاهية. ما اشتقتوش يا جماعة. ما اشتقتوش - 00:43:20
مكان ما فيش فيه قرف. ما فيش فيه تلج. ما فيش فيه حر. ما فيش فيه معصية. ما فيش فيه كآبة. ما فيش فيه خنقة. ما فيش فيه توتر. ما فيش فيه قلق - 00:43:40

ما فيش فيه حزن، ما فيش فيه هم، ما فيش فيه غل، ما فيش فيه حقد، ما فيش فيه قتل، ما فيش فيه دم، ما فيش فيه زلم، ما فيش فيه سجن - 00:43:50
ما اشتقتوش لمكان كل اللي فيه اطهار؟ كل اللي فيه ابرار؟ علو الهمة في الشتاء. انا اللي انا عايزه بازن الله سبحانه وتعالى. يعني اه اه يعني انت عايز تأذن؟ طيب خلاص احنا هنأذن بقى - 00:44:00

وبعد كده ايه يعني في مشروع جميل كده ان شاء الله بازن الله نعرضه عليكم الوقتي بازن الله بعد الاذان. السلام عليكم ورحمة الله وبركاته بسم الله والصلاة والسلام على رسول الله. آآ ان الحمد لله نحمده ونستعينه ونستغفره ونعوذ بالله من شرور انفسنا ومن سيئات اعمالنا. من يهده الله فهو المهتد ومن يضل - 00:44:20

فلن تجدله وليا مرشدات ثم اما بعد باختصار يا جماعة آآ شديد جدا المشروع اسمه اتقوا الزمهرير. اتقوا الزمهرير. زي ما انتم سمعتم من دكتور حازم في الدرس النهاردة يعني ايه الزمهرير؟ ان في ناس كتيرة يا جماعة وممكن تلاقي من ابهاتنا وامهاتنا ومن قرايبنا ناس كتير ما يعرفوش ان شدة البرد القوي - 00:44:40

اللي احنا فيه دلوقتي من جماهير جهنم ونفس من اه انفاس جهنم وهكذا. ومن اقوال يا جماعة المؤثرة جدا اللي قالها ابن مسعود رضي الله عنه عن الزمهرير قال هو وادي في جهنم او هو لون من العذاب. لو القي فيه اهل النار يوما واحدا - 00:45:00
يقول يا رب اجعلنا في النار الف سنة ولا نكون في الزمهرير يوما واحدا. انتم متخيلين يا جماعة؟ ان سيدنا ان مسعود بيحكى لنا ان اهل النار من شدة برد الزمهرير ده بيقلولوا ان احنا يا رب حطنا في النار الف سنة ولا اننا نبقي في الزمان - 00:45:20
التقرير ده يوم واحد. فشوف قد ايه الموضوع صعب جدا. والايام دي لازم تزكرنا بالموضوع ده. فعشان كده يا جماعة كان رسول الله صلى الله عليه وسلم قال بوجه عام اتقوا النار - 00:45:40

بايه يا جماعة؟ ولو بشق تمرة. اتقوا النار ولو بشق تمرة. فالزمهرير من النار. فاحنا اسم مشروعنا يا جماعة اتقوا الزمهرير. اتقوا الزمهرير ان احنا عاوزين قدر الامكان نتقي الزمهرير ده ولو ببطانية ولو بلحاف. انتم مش متخيلين يا جماعة كنا طالعين في قوافل قريب آآ خيرية لقينا قد ايه - 00:45:50

في ناس ما عندهاش سقف في بيوتها يا جماعة شوفوا اعزكم الله المطر الرهيب اللي بقى موجود ده حد فعلا فيه بيوت ما لهاش سقف غير والله يا جماعة ان فيه ناس - 00:46:10

ناس كتيرة جدا جدا ما لهاش بيوت اصلا وعايشة في خيام وعايشة في حاجات صعبة جدا. فاحنا يا جماعة ان شاء الله المشروع بتاعنا ان احنا نحاول آآ نجمع آآ بطاطين - 00:46:20

والحفة ونوزعها ان شاء الله على الفقراء وهنساعد ان الشباب يوزعوا بنفسهم. باختصار شديد جدا يا جماعة لما جينا بحسنا في موضوع الاسعار وارخص اسعار لموضوع البطاطين والالحفة. كت الخلاصة الاتي في المتوسط. ان لقينا يا جماعة متوسط ارخص سعر لبطانية - 00:46:30

حوالي خمسين جنيه ومتوسط ارخص سعر آآ لحاف حوالي مية جنيه. ولما نقلها يا جماعة آآ موضوع البطاطين اللي بخمسين جنيه السنة دي او الحاجات تبقى ارخص منها حاجة بسيطة للأسف السنة دي رديئة جدا. جدا وانت ما ترضاش انك تحطها على نفسك ولا في بيتك. قال رسول الله صلى الله عليه وسلم لا يؤمن احدكم - 00:46:50

احدكم حتى يحب لاختيه ايه؟ ما يحب لنفسه. انا مش هقول لك يا عم البطانية الغالية ام متين وخمسين جنيه او المش عارف ايه او الحافي الغالي اللي انت حاطه في بيتك. بس على الاقل - 00:47:10

يا اخي لما انت هتشتري لاختوك حاجة او هتجمع تبرعات لاختوك الفقير في حاجة الناس سواسية كأسنان المشط. يا اخي تبقى حاجة تدفيه. حاجة لو انت اتغطيت انت بها شخصيا تدفيك. فللاسف يا جماعة الموضوع اللي هيبقى عايز يسترخص وخلص ويشتري من البطاطين الرخيصة. يعني انت لو ادبت عشان الشخص - 00:47:20

يعني يتدفي يعني حاجة بسيطة يبقى محتاج على الاقل بطانيتين. انما احنا لقينا ان اللحاف اللي متوسط سعره مية جنيه ده يا جماعة ده لحاف كويس جدا جدا والناس حتى في القافلة الاخيرة كانوا واخدين منه كميات وكان آآ كويس جدا ومعتدل. فالفكرة يا جماعة ان شاء الله ان عموما ده متاح وده متاح. ولو حد عاوز - 00:47:40

اشتري بطانيات نضيفة لقيناها انها بدأت من بتبدأ من مية واربعين وانت طالق. احنا هناخد على ادنى حاجة خالص عشان نجمع كميات على قد ما نقدر. ان رينج سعر البطارية - 00:48:00

حوالي خمسين جنيه ورينج سعر اللحاف حوالي مية جنيه. ويا ريت يا جماعة نكثر اكثر موضوع اللحاف ده. يا ريت نكثر اكثر من موضوع اللحاف. اللي احنا طالبينه منكم يا جماعة - 00:48:10

باختصار ثلاث حاجات. ثلاث حاجات يا ريت تركزوا فيهم. الحاجة الاولانية يا جماعة هو التبرع المادي. تجميع التبرعات والتبرع المادي خلاص ان احنا نجمع سعر الحفا وسعر بطاطين. وانت بتقول للشخص بتزكره بالكلام النهاردة وباحاديس النهاردة وبتقول له والله الاسعار كزا وكزا مش وانت مسلا عايز عشر الحفة مسلا - 00:48:20

الف جنيه او عشر بناطين بخمسميت جنيه وهكذا. او حد عاوز ينوع ما بين الاثنين. فدي نقطة اولانية وهي نقطة التبرع بالفلوس. النقطة الثانية يا جماعة لو حد هيشترى او يقول والله لا يا عم الاسعار اللي انتم بتقولوها دي. ده انا في واحد معرفة انا اعرفه تاجر جملة مش عارف يقدر يعمل معي واجب. ده انا اجيب لكم ميت بطانية ولا - 00:48:40

الف الحفل من شرفي كويس جدا جزاك الله كل خير ساعدنا. اشتر انت وهات لنا البطاطين والالحفة دي ان شاء الله واحنا ان شاء الله هنوزعها على الفقراء. الحاجة الثالثة ان شاء الله ان لو نعمل زي يا جماعة مشاريع تجميع الملابس المستعملة والتجميع الطعام والحاجات اللي احنا - 00:49:00

نعملها ليه ما نعملش يا جماعة مشروع تجميع البطاطين والالحفة الصالحة طبعا لاستخدام ولا تيمموا الخليفة منه تنفقون ولستم باخذين خلاص الا ان تغمضوا فيه لأ حاجة تكون صالحة للاستعمال خلاص بدل ما هي مدفية الدولاب تدفي بها شخص كويس ما شاء الله لا احنا عاوزين نجمع جامد - 00:49:20

يلا فبدل ما يهم احنا كلنا يا جماعة كل واحد هتلاقي ايه بيتدفي ايه حد يؤمن ياما مش ممكن الشيخ احمد سلطان بعد ازنكو يا جماعة لو من الادارة معنا لو حد مؤقت هيتجمع لحد وانا هاجمع معه ان شاء الله بعد الدرس ان شاء الله. اه ما فيش حد يا جماعة يجمع من نساء الوقت خالص - 00:49:40

ما فيش احد يجمع النساء دلوقتي خالص. انا عايز اختصر بس عشان اقول فكرة بسرعة واقول ايه سبل التجميع بسرعة. اه. احنا هنعمل رقم سلطان اه قدام المسجد هحاول ان احنا نقول الموضوع دلوقتي. طب يا جماعة احنا بنتكلم في النقطة الثالثة. النقطة

التالفة اللى هى فكرة اىه؟ بى يا عم انا مش عايز ادفع فلوس وما بعرفش اجمع. ومش ما بعرفش حد - 00:50:00

منه طب اعمل اىه؟ فى من الافكار الكويسة جدا جدا. كل واحد من الناس اللى قاعدين دلوقتى يا جماعة. انت بتتغطى ببطانية او لحاف معين. بطانيتين يا عم ولحافين. والله اكيد هتلاقي - 00:50:20

فوق الدولاب او جوة الدولاب او تحت السرير فىه بطانية او لحاف قديمة. خلاص؟ وفيه ناس عندها كتير كمان. او تلاقي تحت سريرك وتحت سرير آآ والدك او والدك او الكلام ده - 00:50:30

يا اخي لو كل بيت من كل فرض قدامنا جاب لنا بطانية واحدة او جاب لنا لحاف واحد. يا عم ان شاء الله كفرت. والله بجد ممكن تنقز حياة شخص من الموت كلنا لسة شايفين الخبر اللى كان فى الاهرام عم محمد وقصته اللى كان مات فى الشارع من البرد والناس ما قدرتش تنقزه ولا تقدر تعمل معه حاجة يا جماعة. فبجد انتم - 00:50:40

مش متخينة وانا حتى كطبيب انتم مش متخيلين فىه كم مرضى فقراء قد اىه فى هذه الايام من مرض مسلا اسمه ميكسيديما او هايبو فيرودزم بيبقى عندهم هرمون قليل او الناس اللى بيبقى عندهم امراض فى الشرايين التاجية. انتم مش متخيلين قد اىه يا جماعة البرد ده بيقتل ناس. وناس كمان اغنيا مش مجرد فقراء - 00:51:00

يعني انا والدي انا شخصيا رحمه الله السنة اللى فاتت كانت فى ليلة شديدة البرد. المريض يا جماعة مريض القلب ومريض السكر والحاجات دي. اللى بيبقى عنده مشاكل وتصلب فى الشرايين - 00:51:20

البرد ده بيقته. فبجد انت ممكن البطانية اللى انت تجمع فلوسها او انك تتبرع بها ممكن ان شاء الله انك تنقز حياة شخص من الموت وتذكر دائما ومن فكأنما احيا الناس جميعا. خلاص؟ رقم اربعة لو حد عنده اماكن معينة يعرفها احنا طبعا بفضل الله عشان تبقوا فاهمين اىه النظام بالزبط. آآ احنا عاملين احنا طبعا - 00:51:30

احنا فريق اسمه احلى شباب بنحاول ان احنا نعمل مشاريع قبل كده خيرية ومشاريع دعوية وهكذا فى صفحة فيسبوك اسمها احلى شباب صفحة على الفيسبوك يا عم اسمها احلى شباب آآ فيسبوك دوت كوم سلاش احلى شباب بالانجلش خلاص؟ آآ وفيه - 00:51:50

معمول اسمه اتقوا الزمهيرر. ايفنت معمول على الفيسبوك اسمه اتقوا الزمهيرر. يا ريت ان انتم يا جماعة تحاولوا تدعوا اكبر كم من الناس للموضوع ده عشان يشاركوا فيه. طيب مكان التجميع فين؟ فى عندنا يا جماعة مكان فى المنصورة. آآ مكتبة الصفوة فى المنصورة. مكتبة الصفوة فى المنصورة دي فى الشارع اللى قدام كلية طب - 00:52:10

اللى قدام كلية طب على طول اسمه شارع كلية طب. جنب تي اي داتا اللى هو بتاع نت اللى احنا بندفع عنده نت. مكتبة اسمها مكتبة الصفوة. مكتبة الصفوة دي يا جماعة ان شاء الله احنا - 00:52:30

جمع اه فيها لو حد عاوز يجيب اه بطاطين او حد هيشترى ويجيب لنا او حد ان شاء الله هيعمل التبرعات. وعشان يا جماعة طبعا ما يبقاش فيه اى مشكلة فى موضوع - 00:52:40

تجميع الفلوس وانتم بتجمعوا وانتم مش بتجمعوا والخرج الامني احنا هنعمل اى تجميع يا جماعة بالتعاون مع الجمعيات الخيرية الرسمية سواء جمعية خير زاد او هنحاول نستأذن الناس من رسالة والجمعيات اللى هتتعاون معنا فى ان تبقى الحاجات بوصلات رسمية وكده ان شاء الله هنسقى عليها يا ريت بس تتابعوا معنا على الجروب - 00:52:50

طيب الناس اللى من برة المنصورة هنعمل اىه؟ فىه رقم فىه رقم يا جماعة من فودافون. هنحاول ان احنا ان شاء الله نعرفكم عليه لسه بس ما استخرناش عليه دلوقتى هنعرفه على البيت - 00:53:10

وهنستخدم خدمة فودافون كاش. خدمة فودافون كاش يا جماعة باختصار ان انت بتروح اى مركز لفودافون موجود فى البلد اللى انت فيها قل لو سمحت انا عاوز اتبرع على الرقم الفلاني بمبلغ كذا. عاوز اتبرع بالرقم الفلاني على آآ مبلغ كذا. خلاص؟ والمبلغ ده ان شاء الله هيوصل لنا وهكذا يا جماعة. فده بالنسبة - 00:53:20

لناس اللى برة المنصورة والناس اللى جوة المنصورة قلنا مكتبة الصفوة ان شاء الله هنجمع فيها. ولو حد عنده مكان للتخزين وعايز

يساعدنا جزاه الله كل خير. واحنا هنحاول برضو - 00:53:40

استأزن مخازن الجامعات الخيرية نروح نتجمع عندها. الحاجة الاخيرة هنوزع ازاى بقى؟ مبدئيا الناس اللي هنوزع عليها ان شاء الله. دي ناس معمول عليها ابحاس اجتماعية يا جماعة ومعروف انها مستحقة ومستحقة جدا كمان كنا في القافلة الاخيرة تبع جمعية

رسالة كان في ناس فقراء من وجهة نزري انا مش خبير - 00:53:50

كنت شايفهم ان هم محتاجين لقيت ان الناس اهل الخبرة في الابحاس الاجتماعية قال لي لأ بص ده زارعين كزا لأ ده عندهم كزا مش

عارف ايه فاللي عاملين الابحاس الاجتماعية ناس متخصصة - 00:54:10

ومحترفة فاضمن ان فلوسك والبطاطين اللي انت بتعملها راحها ناس مش مجرد محتاجين دول الاحتياج نفسه بجد. خلاص؟ هنعمل

ايه يا جماعة ان شاء الله؟ بعد اسبوع اول ما هيتجمع معنا ان شاء الله اول ميت بطانية او لحاف. اول ما هيتجمع معنا اول مية

بطانية او لحاف ان شاء الله يا جماعة بازن الله. هنعمل ميعاد ميعاد خاص - 00:54:20

باب وميعاد خاص بالبنات. المعاد الخاص بالولاد يا جماعة ان شاء الله هنجمع الشباب اللي عاوزين يساعدونا في التوزيع ان شاء الله.

وهم بنفسهم ان شاء الله هيوزعوا على الفقراء - 00:54:40

شوفوا البيوت بنفسهم عشان اللي كان اتحمس وجاب لحاف او خمس الحفة ويشوف الفقر بنفسه والحاجة بنفسه يعني ايه بيت. ما

لوش سقف يرجع يجمع مية بعد كده ان شاء الله احنا خططنا الاولانية ان احنا نبدأ باول مية عاوزين بعد كده ان شاء الله الف لحد ما

خلال اعوام ان شاء الله نجمع مليون بطانية ولحاف وبعد ما نكفي الاخرين - 00:54:50

المولى بمعروف الناس اللي حوالينا خلاص واللي موجودين بعد كده في الصعيد وكزا وكزا لحد ان شاء الله ما لو فيه امكانية

لمحتاجين بعد كده ان شاء الله ممكن - 00:55:10

نودي لهم يا جماعة ان شاء الله. فقلنا صفحة على الفيسبوك اسمها احلى شباب. خلاص؟ والايفينت على الفيسبوك اسمه اتقوا

الزمهرير. وهنعرفكم ان شاء الله الرقم المجاني بالنسبة للاخوة اللي هيجمعوا هنا ان شاء الله سواء معي او مع آخ باشمهندس احمد

آ سلطان. وبالنسبة للنساء ما حدش يجمع من النساء فوق - 00:55:20

هو بشمهندس احمد سلطان هيبقى واقف آبرة بعد الدرس ان شاء الله عشان لو في حد من النساء هيتبرع وهنعرفكم ان شاء الله

على رقم فودافون كاش ومكتبة الصفوة للناس اللي في المنصورة ان شاء الله هيبقى في هناك صندوق هنعمله ان شاء الله هنحط

فيه التبرعات وقلنا كل حاجة ان شاء الله تبقى بشكل رسمي وجزاكم الله خير - 00:55:40

خير سبحانهك اللهم وبحمدك نشهد ان لا اله الا انت نستغفرك ونتوب اليك. جزاك الله خيرا يا دكتور حسن ده انا اختنقت يا رجالة. هات

يا ابني هات هات. يا سلام - 00:56:00

متينات ميات خمسينات تحمدك يا رب. بسم الله والصلاة والسلام على رسول الله. آ عايزين حاجتين الحاجة الاولانية معنا ثلاث مين

ياخد المصحف ده انت بتقول جروب ايه احلى حياة؟ لأ بيدج عالفيسبوك اسمها احلى شباب. احلى شباب. بيدج احلى

شباب هي اللي عليها - 00:56:20

الايفينت ده. اه. على البيدج دي. اه. الايفنت اسمه اتقوا الزمهرية. يعني اتقوا الزمهرير ليه بقى يعني ما نجيب لأ وفاهم الناس برضو

نقطة مهمة برضو عشان الناس اللي بتقعد تشكك الايام دي وكده ان ده ما لهاش اي علاقة اي اتجاهات سياسية ولا فلوس راحة لاتجاه

مش عارف ايه ولا ايه. الحاجات دي يا جماعة ان شاء الله ممكن تستخدم في دعم الاخوان المسلمين في - 00:56:40

مين ياخد المصحف ده وينضم لفريق العمل مش يعني مش بس بقى ايه يعني يتبرع بفلوس. خمس تلاف. ينضم ما شاء الله فيه

فلوس اهي يا جماعة ده الموضوع كبر. احنا خلصنا الوقت ما شاء الله كم بطانية لحد دلوقتي وكام - 00:57:00

مين ياخذ جزاك الله خير ما شاء الله احنا كده فكرتوني بزمان والله انا افتكرت ايام زمان ايام الخيرية بقى ونرجع نشغل ثاني ونلم

فلوس ثاني وننزل للمرضى وننزل لليتامى وننزل للملاجئ وننزل ايام الحراك الخيري - 00:57:20

كده في البلد شدوا حيلكم بقى يا اخواننا. مين ياخذ المصحف ده وينضم لفريق احلى شباب يشارك معهم في التجميع بازن الله من

خلال البيدج بتاعة الايفينت ده اه اللي يجيب مسلا عشر ماتشات. ما هو بقى ينضم معكم بقى انتم تتصرفوا معه انتم توزفوه بقى. اه ويختتم المصحف بالمرة - [00:57:40](#)

ها كلام رجالة خد يلا اوعى احلى شباب خلاص. كده مين ينضم لاحلى شباب؟ ها احلى شباب ينضم ويجيب. لأ ما هو هينضم هينضم جندي. وينضم يعمل لايك وخلاص لأ يجيب. لايك يعني ايه؟ بقول لك - [00:58:00](#)

يا اخوانا ينضم يعني يبقى عضو عامل في جماعة احلى شباب. يعني يجيب على الاقل خمس اللي الامير بتاعها دكتور محمد الشيخ. ما فيش امبير يا عم بس تبقى عضو عامل. اوعى تبقى مجرد محب مريد. خد تختتم المصحف - [00:58:20](#)

كمان خد مين يا اخوانا ينضم لفريق احلى شباب ها ثاني ما تخافوش يا جماعة ما فيش تنظيمات ولا حاجة لا بالله عليك تعهدات باللي يجيبها. هو معكم محمود خلف معكم. الايه؟ الاستاذ احمد خلف معنا. احنا نطول. احنا نطول لاحمد خلف. يعني نضمه؟ شرف - [00:58:40](#)

مصر هو فيه طب واحد منكم بقى اتبرع للتاني اه بس انت انضمت خلاص انت اتدبست خلاص خد يا حبيب قلبي يلا وهتختموا خد اخر اخر حاجة بقى يا اخواني بازن الله سبحانه وتعالى ان بمناسبة - [00:59:00](#)

الغنيمة الباردة التنبيه على صيام تلتاشر واربعتاشر وخمستاشر اللي هم يوم ايه؟ اتنين وتلات واربع اربعة اتنين وتلات واربع. يبقى تلتاشر واربعتاشر وخمستاشر يوم ايه؟ اتنين وثلاثة واربعة. نزلوا بقى اعملوا ايفنت على الفيسبوك على البيدجز بتاعتكم - [00:59:20](#)

وايه واعملوا ورقة على المساجد حسسوا الناس كده بحراك ايماني. بحراك تعبدي بازن الله سبحانه وتعالى تلتاشر اربعتاشر وخمستاشر اللهم استعملنا لنصرة دينك في الارض. رب اجعلنا لك صوامين. لك قوامين لك ذكارين لك شكار - [00:59:40](#)

رب تقبل توبتنا واغسل حوبتنا واجب دعوتنا واجب دعوتنا وثبت حجتنا وسدد السنتنا واسلل سخائم صدورنا واهد قلوبنا. اللهم اكرمنا ولا تهنا. واعطنا ولا تحرمنا. واثرنا ولا تؤثر علينا واهدنا ويسر الهدى الينا وانصرنا على من طغى علينا. اللهم استعملنا ولا تستبدلنا. اللهم استعملنا في صنع - [01:00:00](#)

الخير لكل خلقك. اللهم استعملنا في الدعوة اليك. اللهم استعملنا في الجهاد في سبيلك. اللهم استعملنا في نشر سنة نبيك اللهم استعملنا في وصل صف الملتزمين. اللهم استعملنا ولا تستبدلنا. اللهم استعملنا ولا تستبدلنا. الله - [01:00:30](#)

اللهم لا تتولى عنا. اللهم لا تستبدلنا. اللهم ارحم اخواننا الفقراء. اللهم يا ربنا ارحم اخواننا الفقراء. اللهم ارحم اخواننا في سوريا من برد الشتاء ومن ظلم الظالمين. اللهم انصر الاسلام واعز المسلمين. اللهم اذن لدينك ان - [01:00:50](#)

واذن لشرعك ان يقود واذن لكتابتك ان يحكم انك ولي ذلك والقادر عليه. سبحانك اللهم وبحمدك. اشهد ان لا اله الا انت. استغفرك واتوب اليك - [01:01:10](#)